

nuntur, veterisque hujus consuetudinis certam fidem facit Cyrillus, Catech. Myst. I. Paulinus etiam in scriptis præfata ep. 12. Baptistrium refert a se inter duas Basilicas extractum.

DISSERTATIO XI.

De Eulogiis.

1. Eulogia erant ex panibus excisæ particula, precibus solemnibus benedicta, in signum Catholicæ in fide & caritate communionis, inter fideles distribuenda. Harum referuntur multiplices species antiquorum monumenta: quædam enim erant panis azymi, quædam panis fermentati: alia item publicæ, alia privata censebantur. Prima Eulogiarum institutio solas azymas, nec ullatenus fermentatas admittebat. Hac nimirum ratione, quia dispertiebantur fidelibus illis, qui sacrosanctæ Eucharistiæ non fuerant participes: earum enim materia ex panibus erat ad mysticam consecrationem destinatis, quæ primis sæculis ubique in Oriente & Occidente non aliter quam in azymis fiebat. Panes itaque azymi, antequam ad sacrum Altare deferrentur, apponebantur in Diaconia benedicebantur; quibus peractis cultro, quem Græci *ὄχιαν λέγων* sacram Lanceam vocant; in multas dissecabantur pattes, quarum aliqua ad consecrationem & mysticam Altaris communionem tantum Sacerdotis quam populi secernebantur; reliquæ vero citra mysticam consecrationem, pro fidelibus, qui Eucharistiæ non participabant, nec tamen Catholicæ & Ecclesiasticæ communionis exortes erant, seponabantur; & in symbolum quoque communis fraternæque unionis distribuiebantur manducanda. Post debellatos magni Constantini armis tyrannos Ecclesiæ Christi persecutores; ruinis jam deficientis Paganismi Ecclesiæ mirifice aucta propagataque fuit; qua occasione Melchias eius temporis Romanus Pontifex constituit, ut non tantum ex azymis, ut olim fieri solebat, sed etiam ex fermentatis panibus consecrarentur. Idque Pontificali auctoritate illius insinuat: *Hic fecit ut oblationes consecrate per Ecclesias ex consecrato Episcopo dirigerentur, quod declaratur fermentum.* Inde liquet ab Episcopo solitam impartiri benedictionem istam, qui hæc deinde Eulogias ad titulorum Presbyteros, id est Parochos dirigebat, istique subditis sibi fidelibus largiebantur, qui ritus brevi omnes Occidentis provincias pervasit: non constat tamen fuisse ad orientem propagatum.

2. Altera fermenti mentio in Siricii vita sic legitur: *Hic constituit ut nullus Presbyter Missas celebraret per omnem hebdomadam, nisi consecratum Episcopi loci designati susciperet declaratum, quod nominatur fermentum.* Vox ibi consecratum, perinde est ac vox benedictum. Tertia ejus mentio ab Innocentio Papa primo, in epist. ad Decentium Episcopum Eugubinum, cap. 5. *De fermento vero quod die Dominico per titulos mittitur, sumper huc nos consilere voluisti cum omnes Ecclesia nostra intra civitatem sint constituta: quarum Presbyteri, quia die ipso propter plebem sibi creditam nobiscum convivere non possunt, idcirco fermentum a nobis consecratum per Acolythos accipiunt, ut se a nostra communione maxime illa die non judicent separatos: quod per Parochias (scilicet licet rurales atque ab urbe longe remotas) fieri debere non puto, quia non longe portanda sunt sacramenta (id est res benedictæ ac precibus sanctificate, licet non censeantur de numero sacramentorum strictius usurpatorem septenario) nec nos per comæteria diversa constitutis Presbyteris destinamus, ut & Presbyteri eorum consecrandorum jus habeant atque licentiam.* Vult hoc loco Innocentius eandem per cunctos Episcopatus circa Eulogias fermentatas servari consuetudinem, quæ Romæ usitabatur. Quarta demum fermenti mentio est in perantiquo Romano libro, quem citat Baronius his verbis: *Quinta Dominica in Quadragesima Sabbato datur fermentum in consistorio Lateranensi.*

3. In Oriente celebrata Synodus Laodicea can. 15. ita scilicet: *Ne sancta in sacris Eulogiis in festo Pasche in aliis Parochias transmittantur:* Cujus decreti ratio est, quia cum Paschalibus festis omnes fideles Eucharistiam sumant, superflua fuisset minor communionis fidelium (quæ per Eulogias fit) significatio, quæ diebus aliis non communicantibus Eucharistiam fidelibus impartiebantur. Est præterea Laodiceus can. 32. prohibens ab hæreticis Eulogias sumere. Cujus ratio constat: quia cum datur Eulogia in signum communionis ac unionis fidelium, is qui ab hæreticis acciperet, protestaretur ipso facto cum eorumdem sancta communionem ac societatem. Eadem insuper Synodus can. 49. sancit non esse in Quadragesima panem offerendum aliis a Sabbato

& Dominica diebus. Illi qui panem hunc ibi de Eucharistia intelligunt, rationem istam decreti proferunt, una cum Græco commentatore Theodoro Balsamone, quia non celebrantur apud Græcos Sacra Liturgia, neque participatur Eucharistiæ Sacramentum diebus jejuniorum, & quia Sabbatis & Dominicis totius anni, etiam intra Quadragesimam occurrentibus, ab Apostolorum usque ætate prohibita sunt apud Ecclesias Orientis jejunia. Alii vero canonem de Eulogiis exponentes rationem adducunt istam: quia præscripta quadragesimalibus diebus jejunia comestione Eulogiarum infringentur, quæ quidem infractio non est pertimescenda Sabbatis & Dominicis, quibus apud Orientales jejunia vetantur.

4. Catechumenis aliquando data fuerunt festis Paschæ diebus Eulogia, quia vix erant ac supplemento Eucharistiæ quam isdem sumere nefas erat; quatenus ante Baptistrium res est nefaria & sacrilega participatio alterius cujuscumque proprie dicti Sacramenti. Sed Eulogias catechumenis tandem conferri prohibuit Concilium Carthaginense tertium can. 5. eo quod nondum in Ecclesiam sint admitti, permittitque eis duntaxat salis præstationem, quam nihilominus idem Sacramentum vocat, largiunt nimirum significatu. Quo eodem usurpat August. dum sic de catechumenis loquitur lib. 2. de peccatorum meritis, cap. 26. *Et quod accipiunt, quamvis non sit corpus Christi, sanctum est tamen & sanctius quam cibi quibus alimur, quoniam Sacramentum est.* Idque sacramenti nomen de Eulogiis usurpat paulo ante prolatus Innocentii Pontificis locus. Theophilus similiter Alexandrinus, can. 8. decernit oblatorum ad Altare minime participes esse debere catechumenos: sed solum Clericos, & plebem mysticis initiatam.

5. Priusquam fuisset institutum fermentum, editus est de Eulogiis a Pio Papa primo canon iste, *ut de oblationibus qua offeruntur a populo, & de consecrationibus qua supersunt, nec non de panibus quos deserunt fideles ad Ecclesiam, vel certe de suis Presbyter convenienter partes incisas habeat in vase mirido & convenienti, ut post Missarum solemniam, qui communicare non fuerunt parati, Eulogias, hoc est panem benedictum omni die Dominico & diebus festis exinde accipiant, quæ cum benedictione prius faciat.* Ille ritus etiam nunc a Græcis Clericis observatur Romæ post celebratam ab ipsis Liturgiam Græco ritu intra sacram S. Athanasii Basilicam. Denique sæculo nono Leo Papa quartus, qui ad versus Saracenos in Italia grassantes Vaticanam Ecclesiam, & suburbium munitionibus cinxit, eique parti nomen Leonine urbis indidit, ita sancivit epistola encyclica ad omnes ubique Sacerdotes: *Eulogias post Missas in diebus festis plebi distribuere.* Antiquissimus ille oblationum populi ritus, ex quibus sacra subinde conficienda erat Eucharistia, cum distribuendis Eulogiis, confirmatur ista Cypriani Carthaginensis querela, de opere & elemosinis: *Locuples & dives es & Dominicum celebrare te credis, qui corbosam omnino non respicis, qui in Dominicum sine sacrificio venis, qui & partem de sacrificio quod pauper obtulit sumis.* Similem renovat querimoniam August. serm. 252. de temp. Oblationes, quæ in Altari consecrantur, offerre; erubescere debet homo idoneus si de aliena oblatione communicet. Eandemque materiam sermone sequenti fufe quoque profequitur idem Augustinus.

6. Ne vero privatas Eulogias silentio involvamus, quas scilicet privatim amici inter sese ultro citroque mittere consueverant, Paulinus, epist. 1. in fine, vini Campani eulogiam mittit ad Severum. Idemque aliam ad Augustinum & alteram ad Alypium, ut legitur epist. 31. apud Augustinum & epist. 25. Idemque ad Romanium & Licentium alias mittit eulogias ex pane. Augustinus vicissim eulogias ad Paulinum mittit epist. 34. Atque ista satis, ut ad alia progrediamur.

DISSERTATIO XII.

De fermento: & quidam rei inter præfatos Ecclesia Romana ritus fuerit.

1. AD hauriendam hujus difficultatis elucidationem, in memoriam revocanda sunt tria loca ex vita Melchias, & Siricii, Romanorum Pontificum, arcessita; nec non ex Innocentio I. Pap. etiam Romani epistola ad Decentium Eugubinum Episcopum. Et quidem qui prior est locus manifeste arguit distribuendi fermenti institutionem sua habuisse primordia a Melchiade Papa; cum tamen institutio distribuenda Eucharistiæ, quam nonnulli cum fermento confundi voluerunt, sit divine ab uno Christo originis: tamque Petrus Apostolus primus Romanis tradiderit.

2. Porro

2. Porro secundus, qui est Siricii Papa, locus, tantum abest ut propter fermenti a Papa, vel quolibet Episcopo, benedicti seu consecrati distributionem, cunctis inferioris gradus Sacerdotibus prohibeatur sacrosanctæ Missæ celebratio, ut adversarij contendunt, quin potius eos omnes ad sacrificandum adeo decernit obligari, ut non aliter fermentum ab ipsis distribui permittat, nisi postquam Deo sacrificaverint.

3. Tertius denique textus, qui est Innocentii, admodum perplexus & obscurus, perspicue tamen hoc docet, fermentum non esse sacratissimam Eucharistiam, quatenus officium transportandi fermenti, non Sacerdotibus, non Diaconis, immo ne ipsis quidem Subdiaconis, contra debitam vivificæ Eucharistiæ venerationem, & laudabilem veteris Ecclesiæ consuetudinem; sed solis infimæ clericulis Acolythis assignat.

4. Sed si quis insillat tribus his locis, fermento nomen attribui Consecrati, vel Sacramenti: Expedita responsio præsto est, qua hujusce teli, si qua sit, acies retunditur. Certum quippe est his quoque vocabulis exprimi solitas quæcumque eulogias fuisse. Cui veritati assipulatur Concilium Carthaginense tertii canon. 5. dicens: *Placuit ut per solemnissimos dies Sacramentum catechumenis non datur nisi solum sal.* Augustinus pariter lib. 2. de peccat. merit. cap. 26. ait: *Et quod accipiunt catechumeni, quamvis non sit corpus Christi, sanctum est tamen, & sanctius quam cibi, quibus alimur, quoniam Sacramentum est.*

5. Qui vero recentem hanc opinionem invexerunt, alios simul nequaquam negligendos errores induxerunt: in primis, fermentum nihil aliud aut minus fuisse quam adorandum Corpus Christi. Secundo, erroneam fuisse Ecclesiæ Romanæ persuasionem; aut nunc esse, quod sibi traditum ab Apostolis Petro & Paulo jam inde ab initio ut in fermento consecratur, non vero oppositum ab eadem Romana Ecclesia simul doceri & districte juberi, quasi Petri & Pauli inviolabile præceptum, ut non aliter in Romana Ecclesia nisi in azymis sacrificetur. Tertio etiam stabilita Ecclesiæ pace in amplissima, & populosissima totius orbis terrarum civitate innumera sparsæ essent sacra basilicæ, edictis Romanorum Pontificum sollicitè cautum fuisse, ne plusquam in una Romana urbis Ecclesia, neve plus una per totam civitatem Missa, festis etiam solemnioribus, & Dominicis diebus, quisquam Sacerdos celebrare præsumeret: atque sine illo Sacerdotum, vel populi crimine ferale interdictionem Romam univerfam occuparet, adeo ut fieri non posset, ut quantumcumque sese miserandus populus comprimeret, ex quinque millibus viri duo tredecim homines ad se insinuandum in consertissimas turbas robustissimi, Sacerdos possent interesse. Dominicis etiam & Paschalibus diebus. Idemque strictissime ritus præscriberetur & servaretur quacumque protenduntur occidentiarum Provinciarum Ecclesiæ, ipsique Sacerdotes propemodum omnes tota fere vita nullum Deo sacrificium litare possent: Qui quartus est error, si non modo Romanus Princeps Pastorum necessariis pascuis propriis sibi vicinioribus prohibuisset oves perpetua fame perimendas, sed aliis quoque minorum Ecclesiarum Pastoribus iussisset, ut omnia penes se pasca, fontisque salubrium aquarum, commissis suæ curæ ovibus & agnis intercluderent: non enim aliter mandatum Innocentio ad Decentium Episcopum intelligi volent.

6. Quintus demum ista opinantium accedit error, idemque insignis: nullum fuisse per octingentos annos penes Latinas sive Europæ, sive Africæ Ecclesias, Eulogiarum usum. Undenam quæso tam præcepit asseverandi fiducia? Censentque Augustinum & Paulinum fuisse vel origine, vel Episcopatu Græcos; aut non nisi post octingentos a Christo annos produisse. Constat vero ex mutuis amborum litteris Eulogias inter se se transmississe. Pius etiam Romanus Pontifex & Martyr decreto edidit de oblationibus populorum in hæc verba: *Ut de oblationibus qua offeruntur a populo, & de consecrationibus qua supersunt, nec non de panibus quos deserunt fideles ad Ecclesiam, vel certe de suis Presbyter convenienter partes incisas habeat in vase mirido & convenienti, ut post Missarum solemniam, qui communicare non fuerint parati, Eulogias omni die dominico & in diebus festis exinde accipiant, quæ cum benedictione prius faciat.* Melchias etiam, referente in ipsis vita Damaso, si simile decretum edidit. Præterea Carthaginense Concilium tertium anni 397. can. 5. edixit de Catechumenorum Eulogiis, certe Catechumenis ad Eucharistiam nullus erat accessus.

7. Illius porro assertionis de unico nec iterabili in universa civitate Romana sacrificio, & similiter in omnibus & singulis Episcopatibus, atque in cunctis Sacerdotibus ubique interdicta in perpetuum Missa, evanesceat saltem per eam rationem, quæ Sancti Patres discernunt assignant inter Sacerdotes veteris & novæ Legis;

quorum illi ab uxoribus se continebant solo tempore, quo secundum vires suas incumbat illis sacrificandi ministerium; cum sit secus judicandum de Sacerdotibus Ecclesiæ Christi: quia non per certas vires, sed quotidie sacrificium & quidem sanctus & divinus offerunt. Hanc discriminis causam Siricius Pontifex in epist. ad Himerium Tarraconensem Episcopum, cap. 7. postquam adduxit, sic ait: *Nostris autem Sacerdotes Deo QUOTIDIE sacrificant, ut in his qua QUOTIDIE offerimus sacrificiis Deo nostro placeamus.* Et qui de fermento mandavit ille ipse Innocentius Papa I. scribens ad Victorium Rotomagensis Episcopum, cap. 7. hoc idem urget argumentum dicens: *Tenere Ecclesia omnino debet, ut Sacerdotes & Levitæ cum suis uxoribus non cocant, quia mysterii QUOTIDIANI necessitatibus occupantur.* Et mox: *Nam si præfatis temporibus de templo Dei Sacerdotibus anno vicis sue non discedebant, sicut de Zacharia legitur; quanto magis Sacerdotes Ecclesiæ, vel Levitæ, pudicitiam ex die ordinationis sue servare debent, quibus vel sacerdotium, vel ministerium sine successione est, nec PRÆTERIT DIES, quæ vel a Sacrificiis divinis, vel a Baptistriis officio vacent: Nam si B. Paulus ad Corinthios scribit: Abstinete vos ad tempus ut vacetis orationi; & hoc utique Levitæ præcipit: multo magis Sacerdotes, quibus & orandi & SACRIFICANDI JUGE OFFICIUM EST, semper debent ab hujusmodi consortio abstinere.* Ipsemet Papa Innocentius idem iterat argumentum in epist. ad Exuperium Tolosanum Episcopum cap. 1. His addendum Concilium Toletanum primum anno 400. can. 5. dicens: *Presbyter, vel Diaconus, vel Subdiaconus, vel quilibet Ecclesiæ deputatus Clericus, si intra civitatem fuerit, vel loco in quo Ecclesia est, aut castello, aut vico, aut villa, & ad Ecclesiam ad SACRIFICIUM QUOTIDIANUM non accesserit, Clericus non habeatur.*

8. Quinetiam Leo Papa Magnus ad Dioscorum scribens Alexandrinum epist. 11. alias 81. his illum verbis commonet: *Ut autem in omnibus observantia nostra concordet, illud quoque volumus custodiri, ut cum solemnior quoque festivitas conventum populi numerosos induxerit, & ea Fidelium multitudo convenierit, quam recipere semel una basilica non possit, Sacrificii oblatio simul indubitanter iteretur, ne his tantum admittis ad banc devotionem qui primi advenerint, videantur hi qui postmodum confluerint non recepti. Necessè est autem ut quedam pars populi sua devotione privetur, si unius tantum Missæ, more servato, Sacrificium offerre non possint, nisi qui prima die parte convenierint. Studiosè ergo dilectionem tuam & familiariter admonemus, ut quod nostra consuetudini ex forma (Nota hæc) paternæ traditionis inest, tua quoque cura non negligat, ut per omnia nobis fide & actionibus congruamus.* Sane Leo magnus indignum non judicasset, quod pars populi Alexandrini festivitatum diebus Missa frustraretur, neque Dioscorum Episcopum hortaretur, ut in hoc ritum Ecclesiæ Romanæ sequeretur, si res ipsa deterior loco Romæ foret, majorque fidelium Romanorum pars ab audiendo Sacro excluderetur, eo futilli prætextu, ne qualicumque die intra Romanam, cujus memia quinquaginta miliaribus, teste Flavio Vopisco, protendebantur, plusquam una Missa celebraretur.

9. Quorum igitur Magnus ille Constantinus tam multas sacras basilicas excitavit, incredibili splendore atque magnificentia locupletissimis latifundis & censibus ditaverat, donariis pretiosissimis decoraverat, si una fortassis excepta, ceteræ omnes solitarie, divinoque cultu futura erant destitutæ? Veruntamen non usque adeo fordide irreligiosæ actum fuit: adhuc enim visuntur & supersunt etiam in minimis & antiquioribus Romæ Ecclesiis, quales sunt sancti Clementis ad amphitheatrum, sanctorumque Martyrum Nerei, & Domitillæ ambones, sanctuarium, Altaria, sacra portæ, Diaconica mensæ, certissima monumenta Missarum in eisdem omni apparatu olim celebratarum. Quis vero ambigit, vel ignorat in plerisque minoribus Ecclesiis inter Missarum solemniam fuisse multas a sancto Gregorio Romano Pontifice homilias pronunciatas, intra inquam Missarum solemniam, ut ille testatur expresse in sua ad illas præfatione, quales sunt (ut celebriores taceam) Ecclesiæ Sanctæ Felicitatis, S. Stephani, S. Andreae, SS. Marcellini & Petri (& ista quidem notatur habita in die Dominica) S. etiam Sylvestri, S. Agnetis, B. Felicis, B. Laurentii, S. Pancratii, SS. Nerei & Achillei, SS. Procelli & Martiniani, S. Clementis, SS. Joannis & Pauli (quæ etiam habita prænotatur Dominica die) S. etiam Mamme, SS. Philippi & Jacobi, Dominica quoque die: iterum S. Clementis in die Dominico, & in Ecclesiâ iterum S. Laurentii die pariter Dominico: Quis vero existimet quando in arctis & angustiis illis locis sanctus ille Pontifex diebus etiam Dominicis sacrum peragebat, nullam fuisse aliam in tanta urbe Missam?

D I S.